

論語集註

四

234

4

26

準
貴

會經錄之四

卷之三

卷之三

卷之三

卷之三



論語卷之四

述而第七

朱熹集註



此篇多記聖人謙已誨

入之辭及其容貌行事

之實凡三十七章

子曰述而不作信而好古竊比

於我老彭好去聲

述傳舊而已作則創始也故

作非聖人不能而述則賢者



可及竊比尊之之辭我親之

之辭老彭商賢大夫見大戴

禮蓋信古而傳述者也孔子

刪詩書定禮樂贊周易修春

秋皆傳先王之舊而未嘗有

所作也故其自言如此蓋不
惟不敢當作者之聖而亦不
敢顯然自附於古之賢人蓋
其德愈盛而心愈下不自知
其辭之謙也然當是時作者

略備夫子蓋集羣聖之大成
而折衷之其事雖述而功則
倍於作矣此又不可不知也

○子曰默而識之學而不厭誨

人不倦何有於我哉

識音志
又如字

識記也默識謂不言而存諸
 心也一說識知也不言而心
 解也前說近是柯有於我言
 何者能有於我也三者已非
 聖人之極至而猶不敢當則

謙而又謙之辭也

○子曰德之不脩學之不講聞
 義不能徙不善不能改是吾憂
 也

尹氏曰德必修而後成學必

講而後明見善能徙改過不
吝此四者日新之要也苟未
能之聖人猶憂况學者乎

○子之燕居申申如也夭夭如

也

燕居間暇無事之時楊氏曰
申申其容舒也夭夭其色愉
也○程子曰此弟子善形容
聖人處也為申申字說不盡
故更著夭夭字今人燕居之

論語
時不怠惰放肆必太嚴厲嚴
厲時著此四字不得怠惰放
肆時亦著此四字不得唯聖
人便自有中和之氣

○子曰甚矣吾衰也久矣吾不

復夢見周公又反

孔子盛時志欲行周公之道
故夢寐之間如或見之至其
老而不能行也則無復是心
而亦無復是夢矣故因此而

論語
自歎其衰之甚也。○程子曰
孔子盛時寤寐常存行周公
之道及其老也則志慮衰而
不可以有為矣蓋存道者心
無老少之異而行道者身老

則衰也

○子曰志於道

志者心之所之之謂道則人
倫日用之間所當行者是也
知此而心必之焉則所適者

正而無他岐之惑矣

據於德

據者執守之意德則行道而有得於心者也得之於心而守之不失則終始惟一而有

日新之功矣

依於仁

依者不違之謂仁則私欲盡去而心德之全也功夫至此而無終食之違則存養之熟

無適而非天理之流行矣

游於藝

游者玩物適情之謂藝則禮樂之文射御書數之法皆至理所寓而日用之不可闕者

也朝夕游焉以博其義理之趣則應務有餘而心亦無所放矣。○此章言人之爲學當如是也蓋學莫先於立志志道則心存於正而不他據德

則道得於心而不失依仁則
德性常用而物欲不行游藝
則小物不遺而動息有養學
者於此有以不失其先後之
序輕重之倫焉則本末兼該

內外交養日用之間無少間
隙而涵泳從容忽不自知其
入於聖賢之域矣
○子曰自行束脩以上吾未嘗

無誨焉

脩、脯也。十脰、爲束。古者相見
必執贄以爲禮。束、脩。其至薄
者。蓋人之有生同。具此理。故
聖人之於人。無不欲其入於
善。但不知來學。則無往教之。

禮故苟以禮來則無不有以
教之也

○子曰不憤不啓不悱不發舉
一隅不以三隅反則不復也

憤 房

粉反悱芳匪
反復扶又反

憤者心求通而未得之意悱
者口欲言而未能之貌啟謂
開其意發謂達其辭物之有
四隅者舉一可知其三反者
還以相證之義復再告也上

章已言聖人誨人不倦之意
因并記此欲學者勉於用力
以爲受教之地也○程子曰
憤悱誠意之見於色辭者也
待其誠意而後告之既告之

又必待其自得，乃復告爾。又
曰：不待憤悱而發，則知之不
能堅固。待其憤悱而後發，則
沛然矣。

○于食於有喪者之側，未嘗飽。

也。

臨喪哀不能其也。

子於是日哭則不歌。

哭謂弔哭，一日之內餘哀未
忘，自不能歌也。○謝氏曰：學

論語
者於此二者可見見聖人情性
之正也能識聖人之情性然
後可以學道

○子謂顏淵曰用之則行舍之
則藏惟我與爾有是夫
夫音扶

尹氏曰用舍無與於已行藏
安於所遇命不足道也顏子
幾於聖人故亦能之

子路曰子行三軍則誰與

萬二千五百人為軍大國三

軍子路見孔子，獨美顏淵，自

負其勇意。夫子若行，三軍必

與已同。

子曰：暴虎馮河，死而無悔者，吾

不與也。必也臨事而懼，好謀而

成者也。

馮皮水反
好去聲

暴虎，徒搏馮河，徒涉懼，謂敬。

其事成，謂成其謀。言此皆以

抑其勇而教之。然行師之要

實不外此。子路蓋不知也。

謝氏曰、聖人於行藏之間、無
 意、無必、其行非貪位、其藏非
 獨善也。若有欲心、則不用而
 求、行舍之而不藏矣。是以惟
 顏子為可以與於此。子路雖

非有欲心者、然未能無固必
 也。至以行三軍為問、則其論
 益卑矣。夫子之言、蓋因其失
 而救之。夫不謀無成、不懼必
 敗、小事尚然、而况於行三軍

乎

○子曰富而可求也雖執鞭之

士吾亦爲之如不可求從吾所

好好去聲

執鞭賤者之事設言富若可

求則雖身爲賤役以求之亦

所不辭然有命焉非求之可

得也則安於義理而已矣何

必徒取辱哉○蘇氏曰聖人

未嘗有意於求富也豈問其

不可哉ハ為此ハ語者特以テ明ニ
其決不可求爾楊氏曰君子
非惡富貴而不求以其在天
無可求之道也

○子之所慎齊戰疾

齊側
皆反

齊之為言齊也將祭而齊其

思慮之不齊者以交於神明

也誠之至與不至神之饗與

不饗皆決於此戰則衆之死

生國之存亡繫焉疾又吾身

之所以，死生存亡者，皆不可
以不謹也。○尹氏曰：夫子無
所不謹，弟子記其大者耳。

○子在齊聞韶，三月不知肉味。
曰：不圖為樂之至於斯也。

史記三月上有學之，二字不
知肉味，蓋心一於是而不及
乎他也。曰不意舜之作樂至
於如此之美，則有以極其情
文之備，而不覺其歎息之深。

也蓋非_レ聖人不足_ニ以_テ及_ニ此_ニ○
范氏_カ曰_ク韶_ハ盡_レ美_ヲ又_ラ盡_レ善_ヲ樂_之
無_ニ以_テ加_レ此_ニ也故_ニ學_之三_月不_レ
知_レ肉_味而_レ歎_美之_如此誠_之
至_レ感_之深_キ也

○冉有曰夫子爲_レ衛君乎_カ子貢

曰諾吾將_ニ問_ト之_聲爲_レ去

爲_レ猶_レ助_也衛君_ハ出_公輒_也靈
公逐_ニ其_世子蒯聵_ラ公薨_而國
人立_{蒯聵}之子輒_於是_ニ晉納_レ

蒯瞶^{クワン}而^{シテ}輒^ニ拒^グ之^ヲ時^ニ孔子居^レ衛^ニ
衛^ノ人以^テ蒯瞶^ヲ得^テ罪^ヲ於^テ父^ニ而^{シテ}輒^ニ
嫡^ノ孫^ヲ當^レ立^ツ故^ニ冉^ニ有^テ疑^テ而^{シテ}問^フ之^ヲ
曰^ク諾^ハ應^ス辭^チ也

入^リ曰^ク伯夷叔齊^ハ何^ノ人^{ナリ}也曰^ク古^ノ之

賢^ノ人^{ナリ}也曰^ク怨^ム乎曰^ク求^レ仁^ヲ而^{シテ}得^レ仁^ヲ
又^{シテ}何^ノ怨^ム出^ス曰^ク夫^レ子^ニ不^レ爲^ス也

伯夷叔齊^ハ孤竹^ノ君^ノ之^ニ子^{ナリ}其^レ
父^ニ將^ニ死^ス遺^シ命^ヲ立^ツ叔^ヲ齊^ヲ父^ノ卒^ニ叔^ニ
齊^ニ遜^リ伯夷^ニ伯夷^曰父^ノ命^也遂^ニ

逃去叔齊亦不立而逃之國
人立其中子其後武王伐紂
夷齊扣馬而諫武王滅商夷
齊恥食周粟去隱于首陽山
遂餓而死然猶悔也君子居

是邦不非其大夫況其君乎
故子貢不斥衛君而以夷齊
為問夫子告之如此則其不
為衛君可知矣蓋伯夷以父
命為尊叔齊以天倫為重其

遼國也皆求所以合乎天理
之正而即乎人心之安既而
各得其志焉則視棄其國猶
敵蹤爾何怨之有若衛輒之
據國拒父而唯恐失之其不

可同年而語明矣○程子曰
伯夷叔齊遼國而逃諫伐而
餓終無怨悔夫子以為賢故
知其不與輒也

○子曰飯蔬食飲水曲肱而枕

之樂亦在其中矣不義而富且

貴於我如浮雲

飯符晚反食音
嗣枕去聲樂音

洛

飯食之也疏食麤飯也聖人

之心渾然天理雖處困極而

樂亦無不在焉其視不義之

富貴如浮雲之無有漠然無

所動於其中也。程子曰非

樂疏食飲水也雖疏食飲水

不能改其樂也不義之富貴

視之輕如浮雲，然又曰：須知所樂者何事。

○子曰：加我數年五十，以學易，可以無大過矣。

劉聘君見元城，劉忠定公自

言嘗讀他論，加作假五十字，作卒蓋加假聲相近，而誤讀卒與五十字相似，而誤分也。愚按此章之言，史記作假我數年，若是我於易則彬彬矣，加

正チカク作レ假ニ而シテ無レ五ニ十ノ字一蓋レ是レ時
孔子年已ニ幾ホド七ニ十ニ矣一五ニ十ノ字
誤リ無レ疑ヒ也一學ヲ易ヲ則チ明ス乎レ吉凶
消長之理進退存亡之道故
可ニ以テ無ニ大ト過ト蓋レ聖人深見テ易

道之無窮而言此以教人使
知下其不可不學而又不可レ以
易名而學也

也
○子所雅言詩書執禮皆雅言

雅常也執守也詩以理情性
書以道政事禮以謹節文皆
切於日用之實故常言之禮
獨言執者以人所執守而言
非徒誦說而已也。○程子曰

孔子雅素之言止於如此若
性與天道則有不可得而聞
者要在默而識之也謝氏曰
此因學易之語而類記之

○葉公問孔子於子路子路不

對葉舒
涉反

葉公，楚葉縣尹沈諸梁字，子高僭稱公也。葉公不知孔子必有非所問而問者，故子路不對。抑亦以聖人之德實有

未易名言者與

子曰：女奚不曰其為人，也發憤忘食，樂以忘憂，不知老之將至。

云爾

未得則發憤而忘食，已得則

樂之而忘憂以是二者俛焉
日有孳孳而不知年數之不
足但自言其好學之篤耳然
深味之則見其全體至極純
亦不巳之妙有非聖人不能

及者蓋凡夫子之自言類如
此學者宜致思焉

○子曰我非生而知之者好古
敏以求之者也好去聲

生而知之者氣質清明義理

昭著不待學而知也敏速也
謂汲汲也。○尹氏曰孔子以
生知之聖每云好學者非惟
勉人也蓋生而可知者義理
爾若夫禮樂名物古今事變

亦必待學而後有以驗其實
也

○子不語怪力亂神

怪異勇力悖亂之事非理之
正固聖人所不語鬼神造化

之迹雖非不正然非窮理之
至有未易明者故亦不輕以
語人也○謝氏曰聖人語常
而不語怪語德而不語力語
治而不語亂語人而不語神

○子曰三人行必有我師焉擇
其善者而從之其不善者而改
之

三人同行其一我也彼二人
者一善一惡則我從其善而

改其惡焉是二人者皆我師也。尹氏曰見賢思齊見不賢而內自省則善惡皆我之師進善其有窮乎善者而

○子曰天生德於予桓魋其如

予何魋徒
雷反

桓魋宋司馬向魋也出於桓

公故又稱桓氏魋欲害孔子

孔子言天既賦我以如是之

德則桓魋其奈我何言必不

能違^レ天^ニ害^レ也^ラ

○子曰二三子以我爲隱乎吾
無隱乎爾吾無行而不與二三
子者是丘也

諸弟子以夫子之道高深不

可^レ幾及^ラ故疑^ニ其^ノ有^{カト}隱^{セケ}而不知

聖人作止語默無^レ非^ト教^ニ也故

夫子以此言曉之與猶示也

○程子曰聖人之道猶天然

門弟子親炙而冀^レ及^ラ之然後

知其高且遠也。使誠以為不可及，則趨向之心不幾於怠乎？故聖人之教常俯而就之，如此非獨使資質庸下者勉思企及，而才氣高邁者亦不

敢躡易而進也。呂氏曰：聖人

體道無隱，與天象昭然，莫非

至教，常以示人，而人自不察

○子以四教：文、行、忠、信。
行去聲

程子曰：教人以學文，修行而

存ス忠ニ信ヲ也忠ト信ト本カ也

○子曰ク聖人ヲ吾レ不ク得テ而見ス之矣

聖人ハ神明不測之號君子ハ才

德出衆之名曰曰曰曰聖人

子曰ク善人ヲ吾レ不ク得テ而見ス之矣得ル

見ル有恒者ヲ斯可矣恒胡登反

子曰ク字疑ハ衍文ナリ恒ハ常ニ久キ之意

張子曰ク有恒者不貳其心善

人者志於仁而無惡

亡ナク而シテ爲ル有リ虛ク而シテ爲ル盈ミ約ク而シテ爲ル泰ク

難タイカク乎ナ有ル恒コト矣ナ
亡ナク讀ム
為ル無ク

三ノ者ハ皆ハ虛ク夸ク之コト事ハ凡ソ若ク此ノ者ハ

必ズ不レ能ク守ル其ノ常ヲ也ナ。張敬夫

曰ク聖人君子ハ以テ學ヲ言フ善人ハ有ル

恒者ハ以テ質ヲ言フ愚謂有恒者ハ之

與シテ聖人高下固懸絕矣然未

有ル不レ自ラ有ル恒而能ク至ル於テ聖ニ者ハ

也故章末申言有恒之義其

示ス人ニ入ル德ニ之ノ門ヲ可ク謂フ深ク切ク而

著明矣

○子釣而不綱弋不射宿射食亦反

綱以ハ大繩屬ヲ綱絕テ流ラ而漁スル者ナリ

也弋ハ以レ生絲繫テ矢ニ而射ル也宿ハ

宿鳥○洪氏カ曰ク孔子ノ少貧賤ナリ

為ニ養與祭或ハ不得レ已ラ而釣弋ス

如キ獵較是テ也然モ盡物取リ之出ス

其不レ意亦不レ為セ也此可レ見ツ仁

人之本ハ心ヲ矣待物ラ如レ此待人ラ

可レ知小者如レ此大者可知レ

○子曰蓋有不知而作之者我
無是也多聞擇其善者而從之
多見而識之知之次也
志 識音
不知而作不知其理而妄作
也孔子自言未嘗妄作蓋亦

謙辭然亦可見其無所不知
也識記也所從不可不擇記
則善惡皆當存之以備參考
如此者雖未能實知其理亦
可以次於知之者也

○互鄉難與言童子見門人惑

見賢
遍反

互鄉，鄉名其人習於不善難

與言善惑者疑夫子不當見

之也

子曰與其進也不與其退也唯
何甚人潔已以進與其潔也不
保其往也

疑此章有錯簡人潔至往也

十四字當在與其進也之前

潔、修治也。與、許也。往、前日也。
言、人潔、已、而來、但、許、其、能、自、
潔、耳、固、不、能、保、其、前、日、所、為、
之、善、惡、也。但、許、其、進、而、來、見、
耳、非、許、其、既、退、而、為、不、善、也。

蓋、不、追、其、既、往、不、逆、其、將、來、
以、是、心、至、斯、受、之、耳、唯、字、上、
下、疑、又、有、闕、文、大、抵、亦、不、為、
已、甚、之、意。○程、子、曰、聖、人、待、
物、之、洪、如、此、

○子曰仁遠乎哉我欲仁斯仁至矣

仁者心之德非在外也放而不求故有以爲遠者反而求之則即此而在矣夫豈遠哉

○程子曰爲仁由己欲之則至何遠之有

○陳司敗問昭公知禮乎孔子曰知禮

陳國名司敗官名即司寇也

昭公魯君名，稠習於威儀之

節，當時以為知禮，故司敗以

為問，而孔子答之如此。

孔子退揖巫馬期而進之曰：吾

聞君子不黨，君子亦黨乎？君取

於吳為同姓，謂之吳孟子君而

知禮，孰不知禮？
取七 在反

巫馬，姓期，字孔子弟子名施。

司敗，揖而進之也。相助，匿非。

曰：黨，禮不娶同姓，而魯與吳

皆姬姓謂之吳孟子者諱之
使若宋女子姓者然

巫馬期以告子曰丘也幸苟有

過人必知之

孔子不可自謂諱君之惡又

不可以娶同姓為知禮故受

以為過而不辭○吳氏曰魯

蓋夫子父母之國昭公魯之

先君也司敗又未嘗顯言其

事而遽以知禮為問其對之

宜如此也及司敗以為有黨
而夫子受以為過蓋夫子之
盛德無所不可也然其受以
為過也亦不正言其所以過
初若不知孟子之事者可以

為萬世之法矣

○子與人歌而善必使反之而

後和之和去聲

反復也必使復歌者欲得其
詳而取其善也而後和之者

喜_レ得_テ其_ノ詳_ヲ而與_ク其_ノ善_ニ也此見_ル
聖_ノ人_ノ氣象從_テ容_ヲ誠_ニ意懇_ニ至_テ而
其_ノ謙_ニ遜_ニ審_ニ密_ニ不_レ掩_ニ人_ノ善_ヲ又如
此蓋_シ一_ノ事_ノ之_ノ微_ニ而衆_ノ善_ノ之_ノ集_ヲ
有_レ不_レ可_レ勝_ル既_レ者_ヲ焉讀_ル者宜_ク詳_ニ

味_シ之

○子曰文莫_ニ吾_レ猶_ク人_ノ也躬行_ニ君

子_ラ則_シ吾_レ未_レ之_タ有_レ得_ル

莫_ク疑_フ辭_ヲ猶_ク人_ノ言_ハ不_レ能_レ過_ル人_ニ而
尚_ク可_レ以_テ及_ク人_ノ未_レ之_タ有_レ得_ル則_シ全

未_レ有_レ得_レ皆_レ自_レ謙_レ之_レ辭_レ而_レ足_レ以_レ
 見_レ言_レ行_レ之_レ難_レ易_レ緩_レ急_レ欲_レ人_レ之_レ
 勉_レ其_レ實_レ也 ○謝氏曰文雖聖
 人無_レ不_レ與_レ人_レ同_レ故不_レ遜_レ能_レ躬
 行_レ君_レ子_レ斯_レ可_レ以_レ入_レ聖_レ故不_レ居_レ

猶_レ言_レ君子道者三我無_レ能_レ焉

○子曰若_レ聖_レ與_レ仁_レ則_レ吾_レ豈_レ敢_レ抑_レ
 爲_レ之_レ不_レ厭_レ誨_レ人_レ不_レ倦_レ則_レ可_レ謂_レ云
 爾_レ已_レ矣公西華曰正_レ唯_レ弟子不_レ
 能_レ學_レ也

此亦夫子之謙辭也。聖者大而化之仁，則心德之全而人道之備也。為之謂為仁聖之道。誨人亦謂以此教人也。然不厭不倦非已，有乏則不能。

所以弟子不能學也。○晁氏曰：當時有稱夫子聖且仁者，以故夫子辭之。苟辭之而已，焉則無以進天下之材。率天下之善，將使聖與仁為虛器。

而人終莫能至矣故夫子雖
不居仁聖而必以為之不厭
誨人不倦自處也可謂云爾
已矣者無他之辭也公西華
仰而歎之其亦深知夫子之

意矣

○子疾病子路請禱子曰有諸
子路對曰有之誅曰禱爾于上
下神祇子曰丘之禱久矣

誅力
軌反

禱謂禱於鬼神有諸問下有此

論語四
四十九
理一否^ヤ誅^ハ者哀^テ死^ラ而述^ル其行^ラ之
詞也上下^ハ謂^レ天地^ヲ天曰^ニ神地
曰^レ祇禱^{トハ}者悔^レ過^ヲ遷^レ善^ニ以^テ祈^ル神
之佑^{トク}也無^ニ其理^ハ則^レ不^ニ必禱^ラ既
曰^{クモ}有^{リト}之則^レ聖人未^ニ嘗^テ有^レ過無

善^ノ可^キ遷^ル其素行固^ニ已^ニ合^{カセ}於^リ神
明^ニ故曰^ク丘^カ之禱^ヲ夕^ト矣又士喪
禮^ニ疾病行^フ禱^ラ五^ニ祀^ヲ蓋^シ臣^ノ子^ノ迫
切^ニ之至^ニ情有^レ不^レ能^レ自^レ已^ル者初^{ヨリ}
不^レ請^テ於^リ病^ル者而^{シテ}後^ニ禱^ス也故^ニ孔

子之於子路不直拒之而但

告以無所事禱之意

○子曰奢則不孫儉則固與其

不孫也寧固孫去聲

孫順也固陋也奢儉俱失中

而奢之害大○晁氏曰不得

已而救時之弊也

○子曰君子坦蕩蕩小人長戚

戚

坦平也蕩蕩寬廣貌程子曰

君子循理故常舒泰小人役

於物故多憂戚○程子曰君

子坦蕩蕩心廣體胖

○子温而厲威而不猛恭而安

厲嚴肅也人之德性本無不

備而氣質所賦鮮有不偏惟

聖人全體渾然陰陽合德故

其中和之氣見於容貌之間

者如此門人熟察而詳記之

亦可見其用心之密矣抑非

知足以知聖人而善言德行
者不能記故程子以為曾子
之言學者所宜反復而玩心
也

泰伯第八

凡二十一章

子曰泰伯其可謂至德也已矣
三以天下讓無民得而稱焉

泰伯周大王之長子至德謂
德之至極無以復加者也三

讓謂固遜也無得而稱其遜
隱微無迹可見也蓋大王三
子長泰伯次仲雍次季歷大
王之時商道寢衰而周日彊
大季歷又生子昌有聖德大

王因有翦商之志而泰伯不
從大王遂欲傳位季歷以及
昌泰伯知之即與仲雍逃之
荆蠻於是大王乃立季歷傳
國至昌而三分天下有其二

是爲文王、文王崩、子發立、遂
克商而有天下、是爲武王、夫
以泰伯之德、當商周之際、固
足以朝諸侯、有天下矣、乃棄
不取、而又泯其迹焉、則其德

之至極、爲如何哉、蓋其心、即
夷齊扣馬之心、而事之難、鬼
有甚焉者、宜夫子之歎息、而
贊美之也、泰伯不從事、見春
秋傳、

○子曰恭而無禮則勞慎而無

禮則憊勇而無禮則亂直而無

禮則絞憊絲里反 絞古卯反

憊ハ畏懼ル貌絞ハ急切ナリ也無禮則

無節文故有四者之弊

君子篤於親則民興於仁故舊

不遺則民不偷ウスカラ

君子謂在上之人也興起也

偷薄也○張子曰人道知所

先後則恭不勞慎不憊勇不

亂直不統民化而德厚矣○

吳氏曰君子以下當自為一

章乃曾子之言也愚按此

節與上文不相蒙而與首篇

慎終追遠之意相類吳說近

是

○曾子有疾召門弟子曰啓予

足啓予手詩云戰戰兢兢如臨

深淵如履薄冰而今而後吾知

免夫小子大音扶

言言四
三十一
啟開也曾子平日以為身體
受於父母不敢毀傷故於此
使弟子開其衾而視之詩小
旻之篇戰戰恐懼兢兢戒謹
臨淵恐墜履冰恐陷也曾子

以其所保之全示門人而言
其所以保之之難如此至於
將死而後知其得免於毀傷
也小子門人也語畢而又呼
之以致反復丁寧之意其警

之^ラ也深^シ矣 ○程子曰君子曰
終^ト小人曰^ラ死^ト君子保^ニ其身^ヲ以^テ
沒^ス為^レ終^ニ其^ノ事^ヲ也故曾子以^テ全^ク
歸^ハ為^レ免^{ルト}矣尹氏曰^ク父^ノ母^ノ全^ク而
生^ム之^ノ子^ノ全^ク而歸^ス之^ノ曾子臨^テ終^ニ

而啟^レ手^ノ足^ヲ為^レ是^ニ故^ニ也非^ハ有^レ得^ニ
於^テ道^ヲ能^ク如^シ是^乎范氏曰^ク身^ノ體
猶^レ不^レ可^レ虧^ク也況^ヤ虧^テ其^ノ行^ヲ以^テ辱^ニ
其^ノ親^ヲ乎

○曾子有疾孟敬子問之

孟敬子魯大夫仲孫氏名捷
問之者問其疾也

曾子言曰鳥之將死其鳴也哀

人之將死其言也善

言自言也鳥畏死故鳴哀人

窮反本故言善此曾子之謙

辭欲敬子知其所言之善而

識之也

君子所貴乎道者三動容貌斯

遠暴慢矣正顏色斯近信矣出

辭氣斯遠鄙倍矣籩豆之事則

有司存

遠近並去聲

貴猶重也容貌舉一身而言

暴粗厲也慢放肆也信實也

正顏色而近信則非色莊也

辭言語氣聲氣也鄙凡陋也

倍與背同謂背理也籩竹豆

豆木豆言道雖無所不在然

君子所重者在此三事而已

是皆修身之要為政之本學

者所_レ當_ニ操_一存省察而不可_レ有
造次顛沛之違者_也若夫遵
豆之事器數之末道之全體
固無_レ不_レ該_然其分則有司之
守_而非_ニ君子之所_レ重_矣○程

子曰_ク動容_一貌舉_一身而言_也
周旋中_レ禮暴慢斯遠矣正_レ顏
色則不_レ妄斯近_レ信矣出辭氣
正_ニ由_レ中_一出斯遠_レ鄙倍_ニ三_一者正_レ
身而不_ニ外_一求故曰遵豆之事

則有司存尹氏曰養於中則
見於外曾子蓋以修己爲爲
政之本若乃器用事物之細
則有司存焉

○曾子曰以能問於不能以多

問於寡有若無實若虛犯而不
校昔者吾友嘗從事於斯矣

校討校也友馬氏以爲顏淵
是也顏子之心唯知義理之
無窮不見物我之有間故能

如此○謝氏曰不知有餘在
 已不足在人不必得為在已
 失為在人非幾於無我者不
 能也

○曾子曰可以託六尺之孤可

以寄百里之命臨大節而不可

奪也君子人與君子人也與平聲

其才可以輔幼君攝國政其
 節至於死生之際而不可奪
 可謂君子矣與疑辭也決辭

設爲問答所以深著其必然也
 ○程子曰節操如是可謂君子矣

○曾子曰士不可以不弘毅任重而道遠

弘寬廣也毅強忍也非弘不能勝其重非毅無以致其遠
 仁以爲己任不亦重乎死而後已不亦遠乎

仁者人心之全德而必欲以

論語四
六十四
身體而力行之可謂重矣一
息尚存此志不容少懈可謂
遠矣○程子曰弘而不毅則
無規矩而難立毅而不弘則
隘陋而無以居之又曰弘大

剛毅然後能勝重任而遠到

○子曰興於詩

興起也詩本性情有邪有正
其為言既易知而吟詠之間
抑揚反覆其感人又易入故

學者之初所以興起其好善
 惡惡之心而不能自己者必
 於此而得之

立於禮

禮以恭敬辭遜為本而有節

文度數之詳可以固人肌膚
 之會筋骸之束故學者之中
 所以能卓然自立而不為事
 物之所搖奪者必於此而得
 之

成於樂

樂有五聲十二律更唱迭和以爲歌舞八音之節可以養人之性情而蕩滌其邪穢消融其渣滓故學者之終所以

至於義精仁熟而自和順於道德者必於此而得之是學之成也○按內則十歲學幼儀十三學樂誦詩二十而後學禮則此三者非小學傳授

論語
之次^{ツイニ}乃太學終身所得之難
易先後淺深^{ナリ}也程子曰天下
之英才不^レ為^レ少^{シト}矣特^ニ以^レ道學
不^レ明故不^レ得^レ有^レ所^レ成^レ就^ス夫古
人之詩^ハ如^ニ今^ノ之歌曲^ニ雖^ニ閭^ノ里

童稚^ト皆習聞^テ之而知^ニ其^ノ說^ヲ故^ニ
能^ク興^ク起^ス今雖^ニ老師宿儒^ト尚不
能^ク曉^ク其^ノ義^ヲ况^ヤ學者乎是不得
興^ニ於^ニ詩^ニ也古人自^ニ洒掃應對^ニ
以^テ至^ニ冠昏喪祭^ニ莫^ク不^レ有^レ禮今

論語
皆廢壞是以人倫不明治家
無法是不得立於禮也古人
之樂聲音所以養其耳采色
所以養其目歌詠所以養其
性情舞蹈所以養其血脈今

皆無之是不得成於樂也是
以古之成材也易今之成材
也難

○子曰民可使由之不可使知

之

民可使之由於是理之當然也
而不能使之知其所以然也

○程子曰聖人設教非不欲
人家喻而戶曉也然不能使
之知但能使之由之爾若曰

聖人不使民知則是後世朝
四暮二之術也豈聖人之心
乎

○子曰好勇疾貧亂也人而不

仁疾之已甚亂也
好去聲

好勇而不安分則必作亂惡
不仁之人而使之無所容則
必致亂一者之心善惡雖殊
然其生亂則一方也

○子曰如有周公之才之美使

驕且吝其餘不足觀也已

才美謂智能技藝之美驕於
夸吝鄙吝也○程子曰此甚
言驕吝之不可也蓋有周公
之德則自無驕吝若但有周

公之才而驕吝焉亦不足觀
 矣又曰驕氣盈吝氣歉愚謂
 驕吝雖有盈歉之殊然其勢
 常相因蓋驕者吝之枝葉吝
 者驕之本根故嘗驗之天下

之人未有驕而不吝吝而不
 驕者也

○子曰三年學不至於穀不易
 得也易去聲

穀祿也至疑當作志為學之

久而不求祿如此之人不易
 得也○楊氏曰雖子張之賢
 猶以干祿為問况其下者乎
 然則三十年學而不至於穀宜
 不易得也

聲
 ○子曰篤信好學守死善道
去好

篤厚而力也不篤信則不能
 好學然篤信而不好學則所
 信或非其正不守死則不能

以善其道然守死而不足以
善其道則亦徒死而已蓋守
死者篤信之效善道者好學
之功

危邦不入亂邦不居天下有道

則見無道則隱
見賢 遍反

君子見危授命則仕危邦者
無可去之義在外則不入可
也亂邦未危而刑政紀綱紊
矣故潔其身而去之天下舉

一、世^ヲ而言^フ無^キ道^ノ則^チ隱^ス其^ノ身^ヲ而
 不^レ見^ル也此^レ惟^ニ篤^シ信^ヲ好^シ學^ヲ守^レ死^ス
 善^シ道^者能^ク之^ヲ

邦^ニ有^ル道^ノ貧^シ且^チ賤^キ焉^{ナリ}恥^シ也邦^ニ無^キ道^ノ
 富^シ且^チ貴^キ焉^{ナリ}恥^シ也

世^ニ治^テ而無^キ可^ク行^フ之^道世^ニ亂^テ而
 無^キ能^ク守^ル之^節碌^々庸^人不^レ足^ニ
 以^テ為^ス士^矣可^ク恥^シ之^甚也○晁
 氏^カ曰^ク有^ル學^ヲ有^ル守^ヲ而^テ去^テ就^ル之^義
 潔^ク出^ル處^之分^明然^ラ後^ニ為^ス君^子

之全德也

○子曰不在其位不謀其政

程子曰不在其位則不任其

事也若君大夫問而告者則

有矣

○子曰師摯之始關雎之亂ヲハリ洋

洋乎盈耳哉

摯音志雎
七余反

師摯魯樂師名摯也亂樂之

卒章也史記曰關雎之亂以

為風始洋洋美盛意孔子自

衛反魯而正樂適師摯在官之初故樂之美盛如此

○子曰狂而不直侗而不愿慥

慥トク而不信シ吾レ不レ知ラ之ヲ矣ヲ
侗音通 慥音空

○侗無知貌愿謹厚也慥慥無

能貌吾不知之者甚絕之之

辭亦不屑之教誨也○蘇氏

曰天之生物氣質不齊其中

材以下有是德則有是病有

是病必有是德故馬之蹄齧

者、必善、走、其、不、善、者、必、馴、有、
是、病、而、無、是、德、則、天、下、之、棄、
才、也

子曰、學、如、不、及、猶、恐、失、之、

言、人、之、為、學、既、如、有、所、不、及、

矣、而、其、心、猶、竦、然、惟、恐、其、或、
失、之、警、學、者、當、如、是、也、○程、
子、曰、學、如、不、及、猶、恐、失、之、不、
得、放、過、才、說、姑、待、明、日、便、不、
可、也

○子曰魏魏乎舜禹之有天下

也而不與焉與去聲

魏魏高大之貌不與猶言不

相關言其不以位為樂也

○子曰大哉堯之為君也魏魏

乎唯天為大唯堯則之蕩蕩乎

民無能名焉

唯猶獨也則猶準也蕩蕩廣

遠之稱也言物之高大莫有

過於天者而獨堯之德能與

之準ナソラフ故其德之廣遠亦如下天

之不カ可中以レ言語ラ形容ス也上

巍巍乎タカク其有成功也煥乎タカク其有

文章

成功事業也煥光明之貌文

章禮樂法度也堯之德不可

名ツク其可見者此爾ニ○尹氏カ曰

天道之大無為ニ而成唯堯則ト

之以治天下故民無得ニ而名ト

焉所レ可キ名者其功業文章巍

然煥然而已

○舜有臣五人而天下治治去聲

五人禹稷契皋陶伯益

武王曰予有亂臣十人

書泰誓之辭馬氏曰亂治也

十人謂周公且召公奭太公

望畢公榮公太顛閔夭散宜

生南宮适其一人謂文母劉

侍讀以為子無臣母之義蓋

邑姜也九人治外邑姜治內

或曰亂本作亂古治字也

孔子曰才難不其然乎唐虞之

際於斯為盛有婦人焉九人而

已子

稱孔子者上係武王君臣之

際記者謹之才難蓋古語而

孔子然之也才者德之用也

唐虞堯舜有天下之號際交

會之間言周室人才之多惟

唐虞之際乃盛於此降自夏

商皆不能及然猶但有此數
人爾是才之難得也

三分天下有其二以服事殷周
之德其可謂至德也已矣

春秋傳曰文王率商之畔國

以事紂蓋天下歸文王者六

州荆梁雍豫徐揚也惟青兗

冀尚屬紂耳范氏曰文王之

德足以代商天與之人歸之

乃不取而服事焉所以為至

德也孔子因武王之言而及
 文王之德且與泰伯皆以
 德稱之其肯微矣或曰宜斷
 三分以下別以孔子曰起之
 而自爲一章

○子曰禹吾無間然矣菲飲食
 而致孝乎鬼神惡衣服而致美
 乎黻冕卑宮室而盡力乎溝洫
 禹吾無間然矣

間去聲菲音匪
 黻音弗洫呼域

反

間、罅、隙也。謂指其罅、隙而非
議之也。菲、薄也。致、孝、鬼、神、謂
享祀豐潔、衣服常服、黻、蔽、膝
也。以青爲之、冕、冠也。皆祭服
也。溝、洫、田、間、水、道、以正疆界

備、旱、潦、者、也。或、豐、或、儉、各、適
其宜、所以無罅、隙、之、可議也。
故、再言、以深美之。○楊氏曰、
薄、於、自、奉、而、所、勤、者、民、之、事
所、致、飾、者、宗、廟、朝、廷、之、禮、所

謂有_レ天_一下_ラ而不_レ與_ラ也夫_レ何_レ間

然_カ之_レ有_レ

其宜也... ○

論語卷之四 終

